



Službeni glasnik OPĆINE OLOVO

Godina XX

Broj: 1

Olovo, 11.01.2016.godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06), člana 7. stav 2. Zakona o budžetima u Federaciji Bosne i Hercegovine („Službene novine FBiH“ , broj: 102/13, 9/14 i 13/14) i člana 18. stav 1. alineja 4. Statuta općine Olovo („Službeni glasnik općine Olovo“, broj: 2/07 i 4/08), Općinsko vijeće općine Olovo na sjednici održanoj 30.12.2015. godine, d o n o s i

BUDŽET OPĆINE OLOVO za period od 01.01.2016. do 31.12.2016. godine

Član 1.

Budžet Općine Olovo za 2016. godinu sastoji se:

UKUPNI PRIHODI	3.200.000,00	KM
UKUPNI RASHODI	3.188.000,00	KM
BUDŽETSKA REZERVA	12.000,00	KM

Član 2.

Sastavni dio Budžeta Općine Olovo za 2016. godinu je Poseban dio budžeta.

Član 3.

Prihodi i rashodi po grupama su u bilansu prihoda i rashoda za 2016. godinu dati su kako slijedi:

Na osnovu člana 38 Zakonom o budžetima-proračunima u FBiH ("Službene novine Federacije BiH"; broj:102/13, 9/14 i 13/14); člana 18. Statuta Općine Olovo ("Službeni glasnik Općine Olovo", broj: 2/07 4/08) i člana 13. i 18. Zakona o principima lokalne samouprave u FBiH („Službene novine Federacije BiH“, broj 49/06) Općinsko vijeće Općine Olovo na sjednici održanoj dana 30.12.2015.godine, **d o n o s i**

O D L U K U
o izmjenama i dopunama budžeta Općine Olovo
za 2015. godinu

Član 1.

U Odluci o budžetu Općine Olovo za 2015.godinu, broj: 01-01-3-3502/14 od 30.12.2014.godine ("Službeni glasnik Općine Olovo", broj: 1/15), član 1., stav 1. – tabela mijenja se i glasi:

(u KM)

R.br.	Opis	Plan 2014.god.	Plan 2015.god.	Izmjena plana	Korigovani plan
1	Ukupni prihodi (porezni,neporezni prihodi i potpore)	4.327.650,00	3.228.000,00	698.000,00	3.926.000,00
2	Ukupni rashodi	4.327.650,00	3.228.000,00	698.000,00	3.926.000,00

Član 3.

U članu 3. Odluke prihodi i rashodi mijenjaju se i glase:

Na osnovu člana 38. Zakona o budžetima u Federaciji Bosne i Hercegovine („Službene novine FBiH“ , broj: 102/13, 9/14 i 13/14), članova 2. do 8. Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine FBiH“, broj: 59/14), a u vezi sa članom 13. Zakona o principima lokalne samouprave („Službene novine Federacije BiH“, broj: 49/06), u skladu sa članom 18. stav 1. alineja 4. Statuta općine Olovo („Službeni glasnik općine Olovo“, broj: 2/07 i 4/08) Općinsko vijeće Općine Olovo na sjednici održanoj dana 30.12.2015. godine, **d o n o s i**

O D L U K U

o izmjeni i dopuni Odluke o izvršenju Budžeta Općine Olovo
za 2015. godinu

Član 1.

U članu 43. stav 1. Odluke o izvršenju Budžeta Općine Olovo za 2015. godinu (broj: 01-01-3-3502/14 od 30.12.2014. godine) rečenica „Iznos planiranih sredstava je 70.000,00 KM“ briše se.

Član 2.

Ova Odluka biti će objavljena u “Službenom glasniku općine Olovo”.

Broj: 01-01-3-2912/15
Datum, 30.12.2015. godine

**PREDSJEDAVAJUĆI
OPĆINSKOG VIJEĆA**

Zukić Samir, s.r.

Na osnovu člana 13. tačka c. Zakona o pripadnosti javnih prihoda u Federaciji BiH ("Službene novine Federacije BiH", broj: 22/06), člana 36. i 37. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06) i člana 18. stav 1. alineja 4. Statuta općine Olovo („Službeni glasnik općine Olovo“, broj: 2/07 i 4/08) Općinsko vijeće na sjednici održanoj dana 30.12.2015.godine, **d o n o s i**

ODLUKU **o komunalnim taksama za istaknutu firmu**

Tarifa komunalnih taksi – tarifni broj 3.

Član 1.

Firma je ime pod kojim društvo, fizičko lice (trgovina i ugostiteljstvo) ili obrtnik posluje.

Član 2.

Firma se obavezno ističe na poslovnim prostorijama društva.

Obrtnik, odnosno poslovođa ili privremeni poslovođa su dužni istaknuti firmu na ulazu u sjedište obrta ili fizičkog lica, ili na izdvojene prostore u kojima se obavlja obrt ili djelatnost fizičkog lica ili na mjestu gdje se obrt obavlja, ako se radi o obrtima za koje nije potreban poslovni prostor.

Član 3.

Za svaku istaknutu firmu, koja podrazumijeva svaku oznaku, obilježje ili natpis na poslovnim ili drugim prostorijama i objektima, kojima se označava da određeno pravno lice, obrtnik ili fizičko lice obavlja izvjesnu djelatnost ili zanimanje, plaća se komunalna taksa.

Član 4.

Komunalna taksa plaća se kako slijedi:

	Iznos (KM)
Pravno lice (sa sjedištem na području općine Olovo i pravno lice koje ima sjedište izvan općine Olovo, a posluje na području općine Olovo sa poslovnom jedinicom)	330,00
Za svaku novu - sljedeću poslovnu jedinicu na području općine Olovo pravna lica plaćaju dodatnih 63,00 KM za svaku poslovnu jedinicu	63,00
Fizičko lice (trgovina i ugostiteljstvo)	100,00
Obrtnik	63,00
Fizička lica koja paušalno plaćaju porez na dohodak (taksisti, zanatlije, autoprevoznici do 8 tona ako imaju jednog uposlenog) i poljoprivrednici	63,00
Bankomati	500,00
Automati za igre na sreću i zabavu (po komadu)	500,00

Član 5.

Rok za podnošenje prijave za razrez takse za istaknutu firmu je 30.04.2016.godine.

Rok za plaćanje takse iz prethodnog stava je 90 dana po isteku roka za podnošenje prijave.

Član 6.

Pravno lice, obrtnik ili fizičko lice koje počne da obavlja djelatnost, oslobađa se takse na firmu za godinu u kojoj je dobilo odobrenje za početak obavljanja djelatnosti.

Član 7.

Stupanjem na snagu ove Odluke prestaje da važe odredbe Tarifnog broja 3, Tarife komunalnih taksi iz Odluke o komunalnim taksama za istaknutu firmu (broj: 01-01-3-18/15 od 30.12.2014. godine).

Član 8.

Taksa po tarifnom broju 3. za istaknutu firmu - oznaku, obilježje ili natpis, propisuje i razrezuje se za 2016. godinu.

Član 9.

Ova Odluka stupa na snagu narednog dana od dana objavljivanja u „Službenom glasniku općine Olovo“.

Broj: 01-01-3-2920/15
Datum, 30.12.2015.godine

PREDSJEDAVAJUĆI
OPĆINSKOG VIJEĆA

Samir Zukić, s.r.

NAPOMENA:

1. Prijavu za razrez takse obveznik je dužan podnijeti Kantonalni porezni ured Zenica, Porezna ispostava Olovo.
2. Prijava za razrez takse sadrži sljedeće podatke: naziv pravnog lica/ime i prezime fizičkog lica ili obrtnika, sjedište i adresa taksenog obveznika, brojeve transakcijskih računa otvorenih kod banaka, mjesto i tačna adresa istaknute firme - oznake, obilježja ili natpisa, iznos takse.

Prijavu obaveze, po ovom tarifnom broju, porezni obveznik vrši na propisanom obrascu Prijave općinske komunalne takse za 2016. godinu.

Na osnovu člana 13. Zakona o principima lokalne samuprave („Službene novine FBiH“, broj: 49/06) i člana 18. stav 1. alineja 18. Statuta općine Olovo („Službeni glasnik općine Olovo“, broj: 2/07 i 4/08), na prijedlog Općinskog načelnika, Općinsko vijeće općine Olovo na sjednici održanoj 30.12.2015. godine, **d o n o s i**

O D L U K U
o otpisu dotrajalih i neupotrebljivih stalnih sredstva

Član 1.

Rashoduju se dotrajala i neupotrebljiva stalna sredstva navedena u Izvještaju o radu Komisije za popis materijalne i nematerijalne imovine i zaliha od 02.02.2015. godine.

Izvještaj o radu Komisije za popis materijalne i nematerijalne imovine i zaliha sastavni je dio Odluke o otpisu dotrajalih i neupotrebljivih stalnih sredstva.

Član 2.

Zadužuje se Općinski načelnik da u skladu sa članom 69. Pravilnika o knjigovodstvu budžeta u Federaciji BiH („Službene novine Federacije BiH“, broj: 60/14) odluči o načinu likvidacije dotrajale i neupotrebljive imovine.

Član 3.

U skladu sa članom 1. ove Odluke Služba za ekonomske poslove dužna je izvršiti potrebna knjiženja.

Član 4.

Ova Odluka stupa na snagu narednog dana od dana donošenja.

Broj: 01-01-3-2918/15
Datum, 30.12.2015. godine

PREDSJEDAVAJUĆI
OPĆINSKOG VIJEĆA

Samir Zukić, s.r.

Na osnovu člana 50. Zakona o prostornom uređenju i građenju ("Službene novine Zeničko Dobojskog kantona" br:01/14), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 30.12.2015 godine, d o n o s i

ODLUKU
o izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli broj: 428/10 dio, K.O.Olovo, koja se nalazi u ul. Školska bb, ucrtava se lokacija za dogradnju poslovnog prostora koji se nalazi poslovno stambenom objektu zv."Karingtonka". Površina lokacije za dogradnju je 18,00 m². Dogradnja se vrši u prizemlju objekta tako što se prostor između nosivih stubova, koji je bio planiran kao vjetrobran, zatvara staklenim panelima i pripaja postojećem poslovnom prostoru. Dogradnju objekta planirati prema idejnom rješenju urađenom od strane „Kriva Rijeka“ d.o.o.Olovo.

Član 3.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj:01-01-3-2910/15
Datum; 30.12.2015.godine

Samir Zukić, s.r.

Na osnovu člana 50. Zakona o prostornom uređenju i građenju ("Službene novine Zeničko Dobojskog kantona" br:01/14), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj, 30.12.2015 godine, d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli broj: 516/10 dio, (brisane parcele 529 i 530 garaže) K.O.Olovo, koja se nalazi u ul. H.K.Gradaševića bb, ucrtava se lokacija za izgradnju poslovno stambenog objekta dimenzia 8,55 x 8,40 m spratnosti P+1. Krov objekta je kosi a sa tri strane predviđene su atike koje skrivaju kosi krov. Fasade uskladiti sa fasadama postojećih objekata u okruženju lokacije. Objekat se sa jugozapadne strane spaja sa već izgrađenim poslovnim objektom na parceli broj:531.

Izgradnju objekta planirati prema idejnom rješenju urađenom od strane „KRs inženjering“ d.o.o.Olovo.

Član 3.

Stupanjem na snagu ove Odluke dopunju je se Odluka broj:01-01-3-3510/14 od 11.22.2014 godine, shodno kojoj se ucrtava lokacija za izgradnju dječijeg igrališta.

Član 4.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3-2911/15
Datum; 30.12.2015.godine

Samir Zukić, s.r.

Na osnovu člana 2.12. stav 9. Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 18. Statuta Općine Olovo („Službeni glasnik Općine Olovo“, broj: 2/07 i 4/08), Općinsko vijeće Olovo na sjednici održanoj 30.12.2014. godine, **d o n o s i**

O D L U K U
o visini naknade članovima Općinske izborne komisije
za 2016.godinu

Član 1.

Ovom Odlukom utvrđuje se mjesečna naknada članovima Općinske izborne komisije za 2016. godinu.

Član 2.

Visina mjesečne naknade članovima Općinske izborne komisije za 2016. godinu utvrđuje se kako slijedi:

- | | |
|-----------------------|----------------------------------|
| 1. Predsjedniku OIK-a | 90,00 KM/mjesečno (neto iznos) |
| 2. Članu OIK-a | 75,00 KM/mjesečno (neto iznos) |

Član 3.

Nalog za isplatu naknada članovima Općinske izborne komisije svakog mjeseca donosi Općinsko vijeće, putem Stručne službe Općinskog vijeća.

Isplata naknade vrši se istovremeno sa isplatom mjesečnih paušala vijećnika.

Za realizaciju naloga zadužuje se Općinski načelnik, putem Službe za ekonomske poslove.

Član 4.

Ova Odluka stupa na snagu danom donošenja, a primjenjivati će se od 01.01.2016.godine i naknadno će se objaviti u Službenom glasniku Općine Olovo.

Broj: 01-01-3-2913 /15
Datum, 30.12.2015. godine

PREDSJEDAVAJUĆI
OPĆINSKOG VIJEĆA

Samir Zukić, s.r.

Na osnovu člana 18. stav 1. alineja 4. Statuta Općine Olovo („Službeni glasnik Općine Olovo“, broj: 2/07 i 4/08), shodno Rješenju o imenovanju Komisije za davanje stručne ocjene za izgradnju na području općine Olovo (broj: 01-01-3-1132/09 od 08.06.2009.godine), Općinsko vijeće na sjednici održanoj dana 30.12.2015.godine, **d o n o s i**

O D L U K U
o visini naknade članovima Komisije za davanje stručne ocjene za izgradnju na području općine Olovo

Član 1.

Ovom Odlukom utvrđuje se naknada za članove Komisije za davanje stručne ocjene za izgradnju na području općine Olovo, imenovane Rješenjem broj: 01-01-3-1132/09 od 08.06.2009.godine.

Član 2.

Naknada iz člana 1. ove Odluke utvrđuje se kako slijedi:

- | | |
|----------------|-------------------------------------|
| a) predsjednik | 30,00 KM/po predmetu (neto iznos) |
| b) član | 20,00 KM/po predmetu (neto iznos) |

Član 3.

Naknada se utvrđuje za 2016. godinu, za period 01.01.2016. godine do 31.12.2016.godine.

Ako se obavezni dokumenti prostornog uređenja donesu u toku kalendarske godine mandat komisije prestaje kao i isplata naknade članovima Komisije za davanje stručne ocjene za izgradnju na području općine Olovo.

Član 4.

Nalog za isplatu naknada članovima Komisije za davanje stručne ocjene za izgradnju donosi Općinsko vijeće, putem Stručne službe Općinskog vijeća.

Za realizaciju naloga zadužuje se Općinski načelnik.

Član 5.

Ova Odluka stupa na snagu danom donošenja, a biti će objavljivanja u „Službenom glasniku općine Olovo“.

Broj: 01-01-3-2914/15
Datum, 30.12.2015. godine.

PREDSJEDAVAJUĆI
OPĆINSKOG VIJEĆA

Samir Zukić, s.r.

Na osnovu člana 18. Statuta Općine Olovo („Sl. glasnik Općine Olovo“ broj 2/07 i 9/99) Općinsko vijeće Olovo na sjednici održanoj 30.12. 2015. godine donijelo je:

O D L U K U

o privremenom ustupanju prava upravljanja i gazdovanja gradskom tržnicom „OLOVO“ na ime JKP-a Bioštica Olovo

Član 1.

Ovom Odlukom pravo upravljanja i gazdovanja gradskom tržnicom „OLOVO“ ustupa se Javnom komunalnom preduzeću „Bioštica“ Olovo (u daljem tekstu: J.K.P.“ Bioštica“).

Član 2.

J.K.P.“ Bioštica“ dužno je osigurati provođenje svih potrebnih mjera za ispravnu organizaciju tržnice i njeno funkcionisanje, provođenja pijačnog reda i rad tržnice u skladu sa Zakonom i podzakonskim propisima.

Član 3.

Naplata pijačne zakupnine vršit će se u skladu sa pijačnim cjenovnikom koji je satavni dio ove Odluke.

Osnov za naplatu pijačne zakupnine je korištenje gradskog građevinskog zemljišta.

Član 4.

Mjesečni prihod iz člana 3. stava 2. uplaćivat će se akontativno svakog pijačnog dana na račun Općine Olovo, a konačan obračun vršit će se na kraju mjeseca.

Konačan obračun na kraju mjeseca za korištenje gradskog građevinskog zemljišta predstavljat će iznos od 50% ukupnog prihoda naplate ostvarenog na tržnici koji će se utvrditi posebnim rješenjem.

Član 5.

Ovlašteno lice Općine Olovo obavljat će kontrolu:

- rada gradske tržnice;
- ubiranja prihoda;
- održavanja objekta gradske tržnice, njegove ispravnosti i dr.

Član 6.

Ostala prava i obaveze između Općine Olovo i J.K.P.“ Bioštica“ regulisat će se posebnim Ugovorom.

Član 7.

Stupanjem na snagu ove Odluke prestaje da važi Odluka broj: 01-01-3-958/07 od 28.02.2007. godine objavljena u Službenom glasniku Općine Olovo broj: 1/07 od 06.03.2007. godine.

Član 8.

Ova odluka objavit će se u Službenom glasniku Općine Olovo, a stupa na snagu od 01.01.2016.godine.

Broj: 01-01-3-2909/15
Datum: 30.12.2015. godine

PREDSJEDAVAJUĆI
OPĆINSKOG VIJEĆA

Samir Zukić, s.r.

Na osnovu člana 17. stav (2) Zakona o komunalnim djelatnostima („Službene novine ZE-DO kantona“, broj: 17/08) i člana 13. Statuta općine Olovo („Službeni glasnik općine Olovo“, broj: 2/07 i 4/08) Općinsko vijeće općine Olovo na sjednici održanoj 30.12.2015. godine **d o n o s i,**

P R O G R A M
finansiranja komunalnih djelatnosti iz sredstava obezbijedenih u
Budžetu Općine Olovo za 2016. godinu

I

Usvaja se Program finansiranja komunalnih djelatnosti za 2016. godinu.

Sastavni dio „Programa finansiranja komunalnih djelatnosti“ je „Program pružanja komunalnih djelatnosti zajedničke komunalne potrošnje u općini Olovo za 2016. godinu“, broj: 2/01-342/15 od 22.12.2015. godine, predložen od strane JKP-a ”Bioštica” doo Olovo.

II

Za finansiranje ovog Programa u 2016. godini planiraju se sredstva u visini od 177.000,00 KM.

Raspored sredstava za finansiranje dat je u posebnom dijelu „Raspored finansiranja“, koji je sastavni dio Programa finansiranja.

III

Ovaj Program biće objavljen u „Službenom glasniku općine Olovo“.

Broj: 01-01-3-2917/15
Datum, 30.12.2015.godine

PREDSJEDAVAJUĆI
OPĆINSKOG VIJEĆA

Samir Zukić, s.r.

Raspored finansiranja komunalnih djelatnosti za 2016. godinu

PRIHODI

Konto	Opis	Iznos
732114	Primljeni grantovi od kantona (Fond za zaštitu okoline)	40.000,00
717131	Prihodi od indirektnih poreza koji pripadaju direkciji za puteve	137.000,00
722531	Naknada za upotrebu cesta za vozila pravnih lica	
722532	Naknada za upotrebu cesta za vozila građana	
	U K U P N O	177.000,00

RASHODI

Konto	Opis	Iznos
613324	Izdaci za usluge održavanja čistoće	20.000,00
613329	Ostale komunalne usluge	20.000,00
613724	Usluge opravke i održavanja cesta	137.000,00
	U K U P N O	177.000,00

Na osnovu člana 13. Statuta općine Olovo („Službeni glasnik općine Olovo“, broj: 2/07 i 4/08) Općinsko vijeće općine Olovo na sjednici održanoj 30.12.2015. godine **d o n o s i**,

P L A N
utroška sredstava
naknade za korištenje državnih šuma i šumskog zemljišta
za 2016. godinu

I

Usvaja se Plan utroška sredstava naknade za korištenje državnih šuma i šumskog zemljišta za 2016. godinu.

II

Za finansiranje ovog Plana u 2016. godini planirana su sredstva u visini od 240.000,00 KM (konto 722546 – naknada za promet šuma).

Raspored sredstava za finansiranje dat je u posebnom dijelu „Raspored finansiranja“, koji je sastavni dio „Plana utroška sredstava naknade za korištenje državnih šuma i šumskog zemljišta za 2016. godinu”

III

Ovaj Plan biti će objavljen u „Službenom glasniku općine Olovo“.

Broj: 01-01-3- 2919/15
Datum, 30.12.2015. godine

PREDSJEDAVAJUĆI
OPĆINSKOG VIJEĆA

Samir Zukić, s.r.

**Raspored finansiranja sredstava naknade za korištenje državnih šuma i šumskog zemljišta
za 2016. godinu.**

PRIHODI

Konto	Opis	Iznos
722546	Naknada za promet šuma	240.000,00
	U K U P N O	240.000,00

RASHODI

Konto	Opis	Iznos
823331	Otplata domaćim finansijskim institucijama	133.000,00
616331	Kamate na domaće pozajmljivanje	15.000,00
821221	Nabavka vanjske rasvjete	50.000,00
	NERASPOREĐENO	42.000,00
	U K U P N O	240.000,00

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2761/15
Datum, 30.12.2015. godine

Općinsko vijeće Općine Olovo na osnovu člana 24. i člana 69. Zakona o građevinskom zemljištu („Službene novine Federacije BiH“, broj: 25/03) i člana 18. Statuta Općine Olovo («Službeni glasnik Općine Olovo broj 2/07 i 4/08), Izvoda iz Regulacionog plana Jasen i Gornje Olovo, na redovnoj sjednici održanoj dana 30.12.2015. godine, donijelo je

R J E Š E N J E

1. Preuzima se neizgrađeno gradsko građevinsko zemljište, radi privođenja trajnoj namjeni u skladu sa Izvodom iz Regulacionog plana Jasen i Gornje Olovo u svrhu uknjižbe puta u naselju Jasen od:
 - **Bolić (Ahmet) Emine iz Jasena** nosioca privremenog prava korištenja zemljišta sa 1/1 dijela i pravom raspolaganja u korist Općine Olovo, parcela broj: **1020/6 zvana Jasen livada 4 klase u površini od 152 m2 K.O. Olovo** upisana u ZK uložak broj 153.
2. Za preuzeto zemljište nosiocu privremenog prava korištenja Bolić Emini pripada pravo na naknadu, shodno članu 69. Zakona o građevinskom zemljištu Federacije BiH. Visina naknade biće određena po pravosnažnosti rješenja o preuzimanju u posebnom postupku, na osnovu odredaba Zakona o eksproprijaciji.
3. Zemljišno knjižni ured Općinskog suda Visoko i Katastar Olovo, će nakon prvosnažnosti ovog rješenja, potpisivanja sporazuma o naknadi i isplati iste brisati:
 - dosadašnji upis privremenog prava korištenja zemljišta u korist Bolić (Ahmeta) Emine sa 1/1 dijela i zemljište iz tačke 1. ovog rješenja, parcelu broj **1020/6 u površini od 152 m2 K.O. Olovo, uknjižiti na Općinu Olovo sa pravom vlasništva – put dobro u općoj upotrebi.**

O b r a z l o ž e n j e

Dana 11.12.2015. godine Bolić Emina iz Jasena Olovo, obratila se pismenim zahtjevom Službi za ekonomske poslove i Općinskom vijeću Općine Olovo, za isplatu naknade, odnosno provođenje postupka ponovnog izuzimanja zemljišta, parcele broj 1020/6 K.O. Olovo jer navedena parcela u naravi predstavlja put.

Uvidom u Izvod iz Regulacionog plana Jasen i Gornje Olovo utvrđeno je da je na predmetnom lokalitetu, na lokaciji koja je u ZK ulošku broj 153 K.O. Olovo upisana sa privremenim pravom korištenja na ime Bolić Emine i pravom raspolaganja u korist Općine Olovo, planirana izgradnja lokalnog puta, u naselju Jasen.

Skupština Općine Olovo je donijela Rješenje broj: 01/2-07-237/01 od 19.12.1991. godine shodno kojem se: „preuzima iz posjeda i korištenja nacionalizovano neizgrađeno gradsko građevinsko zemljište radi privođenja istog trajnoj namjeni u svrhu izgradnje puta i to k.č. broj 679/5 zvana Prilazni put, neplodno u površini od 140 m2 upisana u ZK uložak broj 239 K.O. Olovo starog premjera na ime Emine Bolić rođene Hadžiabdić sa 1/16 dijela koja odgovara dijelu parcele 1020 K.O. Olovo novog premjera, a ista je faktički posjed Bolić Emine i dr. iz Olova“

Nakon provedenog postupka izlaganja podataka na javni uvid i utvrđivanja prava na nekretninama po novom premjeru parcela broj 1020/6 u površini od 152 m² upisana je u ZK uložak broj 153 sa privremenim pravom korištenja zemljištem u korist Bolić (Ahmeta) Emine i pravom raspolaganja sa 1/1 u korist Općine Olovo.

Predmetna parcela je na terenu pristupni put koji iz pravca izvora Jasen otvara lokacije na kojima su izgrađeni stambeni objekti, lokacije 1020/1, 1020/5, 1020/8, 1018 i dr.

Kako je Općina Olovo u postupku izlaganja podataka na javni uvid nije imala dokaza o isplati naknade za preuzeto zemljište po rješenju iz 1991. godine parcela broj 1020/6 je uknjižena na ime ranijeg nosioca privremenog prava korištenja Bolić Eminu.

U konkretnom slučaju Općina Olovo je zainteresovana za otkup parcele 1021/6 u površini od 152 m², te donosi rješenje o preuzimanju navedenog zemljišta koje će se i dalje koristiti u svrhu puta u naselju Jasen, shodno odredbama člana 24. stav Zakona o građevinskom zemljištu.

Shodno odredbama člana 69. Zakona o građevinskom zemljištu, nosilac privremenog prava korištenja, Bolić Emina, ima pravo na naknadu za preuzeto zemljište iz tačke 1. ovog rješenja. Naknada za preuzeto zemljište utvrdit će se nakon pravosnažnosti rješenja o preuzimanju, u posebnom postupku shodno odredbama Zakona o eksproprijaciji.

Na osnovu svega izloženo odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravi spor podnošenjem tužbe kod Kantonalnog suda Zenica, u roku od 30 dana od dana prijema ovog rješenja.

Tužba se podnosi neposredno sudu, u dva primjerka.

Dostavljeno:

1. Bolić Emina,
2. Pravobranilaštvo – ovdje,
3. Služba za ekonomske poslove 2x,
4. Općinsko vijeće,
- 5. ZK ured Visoko – nakon pravosnažnosti,**
6. Katastar Olovo,
7. Evidencija,
8. a/a

PREDSJEDAVAJUĆI
OPĆINSKOG VIJEĆA

Samir Zukić, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2908/15
Datum, 30.12.2015. godine

Na osnovu člana 18. Statuta Općine Olovo („Službeni glasnik Općine Olovo“ broj: 2/07 i 4/08), člana 33. Zakona o pravobranilaštvu („Sl. novine ZE-DO kantona“ broj: 12/13), Odluke Općinskog vijeća o osnivanju općinskog pravobranilaštva Općina Olovo broj: 01-01-3-2304/15 od 30.09.2015.g. Općinsko vijeće Olovo na XXVII redovnoj sjednici održanoj dana 30.12.2015. godine, d o n o s i

R J E Š E N J E
o imenovanju zamjenika općinskog pravobranioca
u Općinsko pravobranilaštvo općine Olovo

I

Ovim rješenjem imenuje se **Harisa Bojić Begić** dipl. pravnik iz Sarajeva, na mjesto zamjenika Općinskog pravobranioca u Općinskom pravobranilaštvu Općine Olovo.

II

Mandat zamjenika općinskog pravobranioca Harise Bojić Begić, dipl. pravnik, počinje teći od 04.01.2016. godine.

III

Ovo rješenje stupa na snagu danom donošenja i bit će objavljeno u „Službenom glasniku Općine Olovo“.

PREDSJEDAVAJUĆI
OPĆINSKOG VIJEĆA

Samir Zukić, s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3-2777/15

Datum, 30.12.2015. godine

Općinsko vijeće Općine Olovo rješavajući po ponudi Cerić (Muhameda) Mirsade koja živi u USA, Jacksonville Florida, po punomoćnici Seniji Degirmendžić iz Gornjeg Olova za otkup neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07 i 4/08) na sjednici održanoj dana 30.12.2015. godine, d o n o s i

Z A K L J U Č A K

NE PRIHVATA SE PONUDA ZA PREUZIMANJE gradskog građevinskog zemljišta označenog kao parcela broj 715/4 zvana Okučnica voćnjak 5 klase u površini od 295 m² upisana u ZK uložak broj 1176 K.O. Olovo sa privremenim pravom korištenja zemljišta u korist Cerić (Muhamed) Mirsade rođene Salkanović i pravom raspolaganja u korist Općine Olovo sa 1/1 dijela.

Cerić Mirsada može privremeno pravo korištenja prenijeti na treće lice, ali ne po nižoj cijeni od one koju su ponudili Općini Olovo, a to je cijena od 10 KM/m².

O b r a z l o ž e n j e

Cerić Mirsada iz Gornjeg Olova, zastupana po punomoćnici Degirmendžić Seniji na osnovu punomoći ovjerene od strane notara Danijele Stupar Florida USA, dana 15.12.2015. godine Općinskom vijeću Općine Olovo dostavila je pismenu ponudu za otkup neizgrađenog gradskog građevinskog zemljišta označenog kao parcela broj 715/4 zvana Okučnica voćnjak 5 klase u površini od 295 m² upisana u ZK uložak broj 1176 K.O. Olovo sa privremenim pravom korištenja zemljišta u korist Cerić Mirsada i pravom raspolaganja u korist Općine Olovo.

Na navedenom zemljištu shodno Izvodu iz Regulacionog plana Jasen i Gornje Olovo, nije planirana izgradnja.

Otkup predmetne parcele Općini Olovo Cerić Mirsada ponudila je po cijeni od 10,00 KM/m².

Kako Općina Olovo nije zainteresovana za otkup predmetne parcele odlučeno je kao u dispozitivu ovog zaključka.

Dostavljeno:

1. Za Cerić Mirsadu, Degirmendžić Senija Gornje Olovo,
2. Službi za ekonomske poslove 2x,
3. Katastru,
4. Evidencija,
5. a/a

**PREDSJEDAVAJUĆI
OPĆINSKOG VIJEĆA**

Samir Zukić, s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3-2776/15
Datum, 30.12.2015. godine

Općinsko vijeće Općine Olovo rješavajući po ponudi Degirmendžić (Salko) Senije iz Gornjeg Olova za otkup neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07 i 4/08) na sjednici održanoj dana 30.12.2015. godine, d o n o s i

Z A K L J U Č A K

NE PRIHVATA SE PONUDA ZA PREUZIMANJE gradskog građevinskog zemljišta označenog kao parcela broj 715/3 zvana Klek voćnjak 5 klase u površini od 168 m² upisana u ZK uložak broj 1177 K.O. Olovo sa trajnim pravom korištenja zemljišta u korist Degirmendžić (Salko) Senije i pravom raspolaganja u korist Općine Olovo sa 1/1 dijela.

Degirmendžić Senija može trajno pravo korištenja prenijeti na treće lice, ali ne po nižoj cijeni od one koju su ponudili Općini Olovo, a to je cijena od 10 KM/m².

O b r a z l o ž e n j e

Degirmendžić Senija iz Gornjeg Olova, dana 15.12.2015. godine Općinskom vijeću Općine Olovo dostavila je pismenu ponudu za otkup neizgrađenog gradskog građevinskog zemljišta označenog kao parcela broj 715/3 zvana Klek voćnjak 5 klase u površini od 168 m² upisana u ZK uložak broj 1177 K.O. Olovo sa trajnim pravom korištenja zemljišta u korist Degirmendžić Senije i pravom raspolaganja u korist Općine Olovo.

Na navedenom zemljištu shodno Izvodu iz Regulacionog plana Jasen i Gornje Olovo, nije planirana izgradnja.

Otkup predmetne parcele Općini Olovo Degirmendžić Senija ponudila je po cijeni od 10,00 KM/m².

Kako Općina Olovo nije zainteresovana za otkup predmetne parcele odlučeno je kao u dispozitivu ovog zaključka.

Dostavljeno:

1. Degirmendžić
Senija Gornje Olovo,
2. Službi za ekonomske poslove 2x,
3. Katastru,
4. Evidencija,
5. a/a

**PREDSJEDAVAJUĆI
OPĆINSKOG VIJEĆA**

Samir Zukić, s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3-2656/15

Datum, 30.12.2015. godine

Općinsko vijeće Općine Olovo rješavajući po ponudi Aničić Milivoje sin Trifka iz Rogatice za otkup neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07 i 4/08) na sjednici održanoj dana 30.12.2015. godine, d o n o s i

Z A K L J U Č A K

NE PRIHVATA SE PONUDA ZA PREUZIMANJE gradskog građevinskog zemljišta označenog kao parcela broj 282/1 zvana Jangičerevica livada 2 klase u površini od 4599 m² i 282/2 zvana Jangičerevica njiva 2 klase u površini od 3862 upisana u ZK uložak broj 49 K.O. Olovo sa privremenim pravom korištenja zemljišta u korist Aničić (Trifka) Milivoje i pravom raspolaganja u korist Općine Olovo sa 1/1 dijela.

Aničić Milivoje može privremeno pravo korištenja prenijeti na treće lice, ali ne po nižoj cijeni od one koju je ponudo Općini Olovo, a to je cijena od 20 KM/m².

O b r a z l o ž e n j e

Aničić Milivoje iz Rogatice, dana 24.11.2015. godine Općinskom vijeću Općine Olovo dostavila je pismenu ponudu za otkup neizgrađenog gradskog građevinskog zemljišta označenog kao parcela broj 282/1 zvana Jangičerevica livada 2 klase u površini od 4599 m² i 282/2 zvana Jangičerevica njiva 2 klase u površini od 3862 upisana u ZK uložak broj 49 K.O. Olovo sa privremenim pravom korištenja zemljišta u korist Aničić Milivoja i pravom raspolaganja u korist Općine Olovo.

Na navedenom zemljištu shodno Izvodu iz Regulacionog plana Olovo, planiran je rezervat industrije, odnosno planirana poslovna zona i nije planirana izgradnja individualnih stambenih objekata, odnosno parcelacija navedenog zemljišta.

Otkup predmetne parcele Općini Olovo Aničić Milivoje ponudio je po cijeni od 20,00 KM/m².

Kako Općina Olovo trenutno nije zainteresovana za otkup predmetne parcele odlučeno je kao u dispozitivu ovog zaključka.

Dostavljeno:

1. Aničić Milivoje
Zanatski trg 3 Rogatica, Samir Zukić
2. Službi za ekonomske poslove 2x,
3. Katastru,
4. Evidencija,
5. a/a

**PREDSJEDAVAJUĆI
OPĆINSKOG VIJEĆA**

Samir Zukić, s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2915/15

Datum: 30.12.2015. godine

Na osnovu člana 18. Statuta općine Olovo ("Službeni glasnik općine Olovo", broj: 2/07 i 4/08), Općinsko vijeće Olovo na sjednici održanoj dana 30.12.2015. godine, razmatrajući Zasupničku inicijativu za izmenu i dopunu Zakona o porezu na promet nepokretnosti Ze-do kantona, d o n i j e l o j e

Z A K L J U Č A K

Obzirom na činjenicu da Općina Olovo spada u red nerazvijenih Općina u F BiH te da prihodi od poreza na promet nepokretnost u budžetu općine predstavljaju jednu od važnih i značajnih stavki, Općinsko vijeće je mišljenja da se **ne prihvata** Zastupnička inicijativa za izmjenu i dopunu Zakona o porezu na promet nepokretnosti Ze-do kantona kojom bi se mladima do 35 godina starosti prilikom kupovine stana, kuće ili zemljišta do 600 m², koje prvi puta trajno rješavaju svoje stambeno pitanje oslobodili plaćanja poreza na promet.

Općinsko vijeće će u skladu sa mogućnostima dati puni doprinos populaciji mladih kroz razne vidove pomoći kao i pružati podršku za rješavanje stambenih pitanja mladim osobama.

Dostavljeno:

1. Savez općina i gradova FBiH,
2. Skupština Ze- do kantona- stručna služba ,
3. Općinsko vijeće,
4. Općinski načelnik,
5. Služba za ekon. poslove,
6. a/a

PREDSJEDAVAJUĆI
OPĆINSKOG VIJEĆA

Samir Zukić, s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Na osnovu člana 15. stav 1. alineja 1. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/ 06 i 51/ 09) i člana 108. Poslovnika o radu Općinskog vijeća Općine Olovo („Službeni glasnik općine Olovo“, broj: 2/07 i 4/08), Općinsko vijeće Općine Olovo na sjednici održanoj 30.12.2015. godine, a na prijedlog Načelnika općine *usvojilo je*:

ZAKLJUČAK

1. Prihvata Sporazum o prijateljstvu i saradnji između Općine Stari Grad i Općine Olovo, u ponuđenom tekstu;
2. Ovlašćuje se Načelnik Općine da u ime Općine Olovo potpiše Sporazum o saradnji iz tačke 1. ovog Zaključka.

Broj: 01-01-3- 2916/15
Datum, 30.12..2015. godine.

PREDSJEDAVAJUĆI
OPĆINSKOG VIJEĆA

Samir Zukić, s.r.

1. Budžet Općine Olovo za period 01.01.do 31.12.2016. godine.....	1
2. Odluka o izmjenama i dopunama Budžeta Općine Oovo za 2015. godinu	2
3. Odluka o izmjenama i dopunama Odluke o izvršenju Budžeta Općine Olovo za 2015g..	3
4. Odluka o komunalnim taksama za istaknutu firmu	4
5. Odluka o otpisu dotrajalih i neupotrebljivih stalnih sredstva	6
6. Odluka o izmjeni i dopuni Odluke o usvajanju Regulacionog plana Olovo-Centar (Karingtonka (po zahtjevu Hasanspahić Sifet)	7
7. Odluka o izmjeni i dopuni Odluke o usvajanju Regulacionog plana Olovo-Centar (Po zahtjevu Mehanović Asifa)	8
8. Odluka o visini naknade članovima Općinske izborne komisije za 2015.godinu	9
9. Odluka o visini naknade članovima Komisije za davanje stručne ocjene za izgradnju na području općine Olovo	10
10. Odluka o privremenom ustupanju prava upravljanja i gazdovanja gradskom tržnicom „OLOVO“ na ime JKP-a Bioštica Olovo	11
11. Program finansiranja komunalnih djelatnosti iz sredstava obezbijedenih u Budžetu Općine Olovo za 2016. Godinu	13
12. Plan utroška sredstava naknade za korištenje državnih šuma i šumskog zemljištaza 2016. godinu	15
13. Rješenje o preuzimanju zemljišta – puta (naselje Jasen) – podnosilac zahtjeva Bolić Emina.	16
14. Rješenje o imenovanju zamjenika općinskog pravobranioca u Općinsko pravobranilaštvo općine Olovo	18
15. Zaključak o dozvoli prometa gradskog građevinskog zemljišta po ponudi Cerić (Muhamed) Mirsade.	19
16. Zaključak o dozvoli prometa gradskog građevinskog zemljišta po ponudi Degirmendžić (Salko) Senije.	20
17. Zaključak o dozvoli prometa gradskog građevinskog zemljišta po ponudi Aničić Milivoja.	21
18. Zaključak one prihvatanju inicijativi za izmjenu i dopunu Zakona o porezu na promet nekretnina.	22
19. Zaključak o prihvatanju Sporazuma o prijateljstvu i saradnji između Općine Stari Grad Sarajevo i Općine Olovo.	23

Ovaj Službeni glasnik istaknut je na oglasnoj tabli
Općine Olovo dana 11.01.2016.godine

Ovjerava:

SEKRETAR
OPĆINSKOG VIJEĆA

Zijad Karić, dipl. pravnik, s.r.